



11
6525
PA 1

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-31997-5/21
Sarajevo, 26.08.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva ("Službene novine Federacije BiH", broj: 10/12), a u vezi sa Odlukom Ustavnog suda Bosne i Hercegovine (AP 3683/20 od dana 22.12.2020. godine) ("Službene novine Federacije BiH", broj: 16/21) na prijedlog Kriznog štaba Ministarstva zdravstva Kantona Sarajevo, Vlada Kantona Sarajevo, na **38. sjednici održanoj 26.08.2021. godine**, donijela je

ZAKLJUČAK

1. Nastava u školskoj 2021./2022. godini počinje 1. septembra 2021. godine u učionicama uz poštivanje Osnovnih principa prevencije u dokumentu Preporuke za škole za školsku 2021./2022. godinu Federalnog kriznog štaba. Gdje nije moguće osigurati distancu od najmanje jednog (1) metra, škole autonomno organiziraju nastavni proces, tako što će omogućiti da što veći broj učenika što češće bude obuhvaćen nastavom u učionici, uz maksimalnu iskorištenost svih prostornih kapaciteta škole.
Ministarstvo za odgoj i obrazovanje dat će uputstvo o specifičnim aspektima organizacije nastave.
2. Pozivaju se uposlenici u obrazovnom sektoru i studenti u Kantonu Sarajevo da do početka školske/akademske 2021/2022. godine prime bar jednu dozu vakcine protiv Covid-19, u cilju sigurnog odvijanja nastavnog procesa.
3. Nalaže se Zavodu za javno zdravstvo Kantona Sarajevo da pripremi dokument o strategiji screening testiranja brzim antigen testom prisustva virusa Covid-19 među nastavnim osobljem i učenicima, uz dozvolu roditelja, na početku nastavnog procesa, u cilju prevencije širenja virusa Covid-19.
4. Nalaže se Zavodu za javno zdravstvo Kantona Sarajevo da organizuje Edukaciju za osoblje, roditelje i učenike o oboljenju Covid-19, uključujući simptome, komplikacije, kako se prenosi i kako spriječiti prijenos – mjere za sprečavanje širenja Covid-19.
5. Obavezuje se nadležna Kantonalna uprava za inspeksijske poslove da vrši pojačan nadzor ugostiteljskih objekata na području Kantona Sarajevo u skladu sa trenutnom važećom Naredbom Kriznog štaba Federalnog ministarstva zdravstva o dozvoljenom broju osoba koje mogu biti u zatvorenom postoru i obaveznom nošenju maske, o čemu će Kantonalna uprava za inspeksijske poslove izvještavati Vladu Kantona Sarajevo jednom sedmično.
6. Preporučuje se prisustvo i nadzor Covid redara u tržnim centrima na području Kantona Sarajevo, u cilju provođenja trenutno važećih epidemioloških mjera.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211

Sarajevo, Reisa Džemaludina Čauševića 1



7. Preporučuje se svim poslodavcima (u javnom i privatnom sektoru) na području Kantona Sarajevo da svojim uposlenicima odobre jedan radni dan plaćenog odsustva na dan vakcinacije.

Vlada Kantona Sarajevo je na današnjoj sjednici, na osnovu preporuka Kriznog štaba donijela zaključak u kojem se pozivaju svi građani Kantona Sarajevo na što veći odziv na vakcinaciju u što kraćem roku. Kanton Sarajevo trenutno ima dovoljan broj vakcina raznih vrsta i otvoreni su dodatni vakcinalni punktovi.

Masovnom imunizacijom građana Kantona Sarajevo postizemo kolektivni imunitet i time omogućavamo slobodnije funkcionisanje svakodnevnih aktivnosti građana Kantona Sarajevo. Krizni štab i Vlada Kantona Sarajevo pomno će pratiti razvoj epidemiološke situacije i u skladu s tim, nakon 14 dana razmatrat će se uvođenje novih mjera, koje već postoje u većini zapadnoevropskih zemalja i zemalja u okruženju.

Zahvaljujemo se građanima Kantona Sarajevo i pozivamo ih da, kao i do sada, poštuju sve propisane epidemiološke mjere i tako zaštite sebe, svoju porodicu, kako bi smo se što prije vratili normalnom životu.



Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstva Kantona Sarajevo (12x),
5. Službe Kantona Sarajevo (9x),
6. Zavodi (5x),
7. Uprave (2x),
8. Fondovi (4x),
9. Krizni štab Ministarstva zdravstva Kantona Sarajevo (putem Ministarstva zdravstva Kantona Sarajevo),
10. Svim javnim ustanovama Kantona Sarajevo (5x) (putem Ministarstva za odgoj i obrazovanje Kantona Sarajevo, Ministarstva za visoko obrazovanje, nauku i mlade Kantona Sarajevo, Ministarstva zdravstva Kantona Sarajevo, Ministarstva za rad, socijalnu politiku, raseljena lica i izbjeglice Kantona Sarajevo i Ministarstva kulture i sporta Kantona Sarajevo),
11. Svim javnim preduzećima Kantona Sarajevo (4x) (putem Ministarstva saobraćaja Kantona Sarajevo), Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstva pravde i uprave Kantona Sarajevo i Ministarstva privrede Kantona Sarajevo),
12. Uprava policije (putem Ministarstva unutrašnjih poslova Kantona Sarajevo),
13. KJKP "GRAS" (putem Ministarstva saobraćaja Kantona Sarajevo),
14. Centrottrans d.o.o Sarajevo (putem Ministarstva saobraćaja Kantona Sarajevo),
15. Agencija za privatizaciju Kantona Sarajevo,
16. Za objavu "Službenim novinama Kantona Sarajevo",
17. Evidencija,
18. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211

Sarajevo, Reisa Džemaludina Čauševića 1

